

■ COLUMNNA

Tge gida in di liber – sche nagin auter ha peda?

DAD ANDREA L. RASSEL,
KREUZLINGEN

L'onn 1929 ha Joseph Stalin implementà ses plan da transformar l'Uniuin Sovietsa d'ina terra agrara e plitost pauc sviluppada en ina locomotiva da l'industria. Part da ses plan era d'abolir las fins d'emna. La regenza aveva partì ils lavurers en tschintg gruppas, mintgina cun in auter di liber. Uschia vuleva Stalin augmentar la productivitat da l'industria sovieta. Realisà ha el ina gronda malcontentientscha tar ils impiegads perquai ch'ils lavurers n'avevan betg pli temp liber communabel ed eran pli e pli isolads en lur situaziun sociala. Ils carstgauns èn daventads adina pli abandonads en lur mintgadi – ina situaziun sociala desastrusa. Stalin n'era dentant betg impressiunà da quest nausch resun ed il sistem è pir vegnì midà onns pli tard.

Ozendi n'è betg in stadi responsabel per la



nauscha cumpatibilitad da noss temp liber, mabain uraris da lavur nunsincronisads. Plis e plis lavurers èn suttamess ad in urari da lavur sin dumonda, senza temps fixs da lavur, auters jobs dumondan dals impiegads da stuair lavurar uras a la lunga la saira u las fins d'emna e quai senza blier temp da prenotaziun.

Il problem n'è pia betg l'che nus n'avessan nagin temp liber – studis mussan che nus avain de facto dapli temp liber che pli baud – ma che nus na pudain betg coordinar il temp liber cun noss partenaris, ils amis u con nossa famiglia. Il problem n'è dentant betg

mo in social, mabain er in problem politic.

En las discussiuns da filosofs da politica exista il patratg che nagut permetta d'installar in sistem tiranic meglier che da tagliar las colliaziuns da relaziuns intimas e da las cumminanzas localas. La situaziun quotidiana che vesa in'isolaziun sociala che progredescha è pia fitg privlusa per il stadi che vulesse gea garantir la stabilitad.

Forsa che quest problem sa mo vegnir schlià sin nivel politic u global-economic, ma i dat era pussaivladads per mintgina da nus da cumbatter quest'isolaziun. La proxima giada sch'insatgi dumonda dad ir a s'entupar per in café u ina gervosa, forsa ch'igl è uras da davenstar subversiv e rebellic – simplamain dad affirmer l'invitaziun e giudair la cumminanza cun noss amis e la famiglia e da betg s'empatschar da las dumondas da la lavur.